

08.06.(26.05.)

Свети апостоли Карп и Алфеј

Вечерња

Вечерня

По окончани 9-го часа священник произносит начальный возглас:

Благословен Бог наш всегда, ныне и присно, и во веки веков.

Чтец: Амѣнь.

Христос воскрес из мертвых, смертью смерть поправ, и сущим во гробех живот даровав. *(Трижды)*

Приидите, поклонимся Цареву нашему Богу.

Приидите, поклонимся и припадём Христу Цареву нашему Богу.

Приидите, поклонимся и припадём Самому Христу, Цареву и Богу нашему.

Псалом 103

Благослови, душе моя, Господа. Господи, Боже мой, возвеличился еси зело. Во исповедание и в велелепоту облелся еси. Одейся светом, яко ризою, простираяй небо, яко кожу. Покрываяй водами превыспренняя Своя, полагаяй облаки на восхождение Свое, ходяй на крилу ветреню. Творяй Ангелы Своя духи и слуги Своя пламень огненный. Основаяй землю на тверди ея, не преклонится в век века. Бездна, яко риза, одеяние ея, на горах станут воды, от запрещенія Твоего побегнут, от гласа грома Твоего убоятся. Восходят горы и нисходят поля в место, еже основал еси им. Предел положил еси, егоже не прейдут, ниже обратятся покрыти землю. Посылаяй источники в дебрех, посреде гор пройдут воды. Напаяют вся звери сельныя, ждут онагри в жажду свою. На тих птицы небесныя привитают, от среды камня дадут глас. Напаяяй горы от превыспренних Своих, от плода дел Твоих насытится земля. Прозябаяй траву скотом, и злак на службу человеком, извести хлеб от земли. И вино веселит сердце человека, умастити лице елеем, и хлеб сердце человека укрепит. Насытятся древа польская, кедри Ливанстии, ихже еси насадил. Тамо птицы вогнездятся, еродиево жилище предводительствует ими. Горы высокая еленем, камень прибежище заяцем. Сотворил еси луну во времена, солнце позна запад свой. Положил

еси тму, и бысть ночь, в нейже пройдут вси зверие дубравнии. Скѣмни рыкающе, восхитити и взыскати от Бога пищу себе. Возсия солнце и собращася и в ложах своих лягут. Изыдет человек на дело свое и на делание свое до вечера. Яко возвеличишася дела Твоя, Господи, вся премудростию сотворил еси, исполнися земля твари Твоея. Сие море великое и пространное, тамо гади, имже несть числа, животная малая с великими, тамо кораблей преплавают, змий сей, егже создал еси ругатися ему. Вся к Тебе чают, дати пищу им во благо время. Давшу Тебе им соберут, отверзшу Тебе руку всяческая исполнятся благодати, отвращшу же Тебе лице, возмьются, отымеши дух их, и исчезнут, и в персть свою возвратятся. Послещи Духа Твоего, и соизждутся, и обновishi лице земли. Буди слава Господня во веки, возвеселится Господь о делех Своих, призирая на землю, и творяя ю трястися, прикасаяся горам, и дымятся. Воспою Господеву в животе моем, пою Богу моему, дондеже есмь, да усладится Ему беседа моя, аз же возвеселюся о Господе. Да исчезнут грешницы от земли, и беззаконницы, якоже не быти им. Благослови, душе моя, Господа. Солнце позна запад свой. Положил еси тму, и бысть ночь. Яко возвеличишася дела Твоя, Господи, вся премудростию сотворил еси.

Слава Отцу и Сыну и Святому Духу, и ныне и присно и во веки веков. Аминь.

Аллилуиа, аллилуиа, аллилуиа, слава Тебе Боже *(Трижды)*.

Во время чтения 103 псалма священник тайно перед царскими вратами с непокрытой головой читает светильничные молитвы.

По окончании предначинательного псалма диакон, выйдя северными вратами и став, как обычно на амвоне, произносит великую ектению.

Ектения великая

Диакон: Мѣром Господу помѣлимся.

Лик: Господи, помѣлуй.

Диакон: О свѣшнем мѣре и спасѣнии душ наших, Господу помѣлимся.

Лик: Господи, помѣлуй.

Диакон: О мѣре всего мѣра, благостоянии святыхъ Божиихъ церквей и соединѣнии всех, Господу помѣлимся.

Лик: Господи, помѣлуй.

Диакон: О святѣм храме сем и с верою, благоговѣнием и страхомъ Божиимъ входящихъ в оны, Господу помѣлимся.

Лик: Господи, помѣлуй.

Диакон: О Великомъ Господѣне и отцѣ нашемъ, Святѣйшемъ Патриархе Кириллѣ, и о господѣне нашемъ высокопреосвященнѣйшемъ митрополите Евгениѣ, честнѣмъ пресвѣтерствѣ, во Христѣ диаконствѣ и о всемъ причтѣ и людѣхъ, Господу помѣлимся.

Лик: Господи, помѣлуй.

Диакон: О Богохранімей странé нáшей, властéх и во́инстве ея́, Го́споду помóлимся.

Лик: Го́споди, помíлуй.

Диакон: О гра́де сем, вся́ком гра́де, странé и véрою живúщих в нíх, Го́споду помóлимся.

Лик: Го́споди, помíлуй.

Диакон: О бла́горастворéнии возду́хов, о изобíлии плодóв земнýх и врéменех мíрных, Го́споду помóлимся.

Лик: Го́споди, помíлуй.

Диакон: О пла́вающих, путешéствующих, недúгующих, стра́ждущих, пленéнных и о спасéнии их, Го́споду помóлимся.

Лик: Го́споди, помíлуй.

Диакон: О избáвитися нам от вся́кия скóрби, гнéва и нýжды, Го́споду помóлимся.

Лик: Го́споди, помíлуй.

Диакон: Заступí, спасí, помíлуй и сохрани́ нас, Бо́же, Твоéю благодáтию.

Лик: Го́споди, помíлуй.

Диакон: Пресвяту́ю, пречíстую, преблагословéнную, сла́вную Влады́чицу нáшу Богороди́цу и Присноде́ву Мари́ю со все́ми святы́ми помяну́вше, са́ми себе́ и друг дру́га, и весь живóт наш Христу́ Бо́гу преда́дим.

Лик: Тебе́, Го́споди.

И священник возглашает: Я́ко подобáет Тебе́ вся́кая сла́ва, честь и поклонéние, Отцу́, и Сы́ну, и Свято́му Ду́ху, ны́не и прíсно, и во ве́ки веко́в.

Лик: Амíнь.

Кафизма 18

Псалом 119

Пéснь степéней. Ко Го́споду, внегда́ скорбéти мí, воззва́х, и услы́ша мя. Го́споди, избáви ду́шу мою́ от устен непра́ведных и от язы́ка льсти́ва. Чтó да́стся тебе́, или́ чтó приложíтся тебе́ к язы́ку льсти́ву? Стрéлы си́льнаго изощрэны, со ўгльми пусты́нными. Увы́ мнé, я́ко пришéлствие моé продолжíтся, вселíхся с селéнии Кидáрскими: мно́го пришéлствова душа́ моя́: с ненави́дящими мíра бéх мíрен: егда́ глаго́лах íм, боря́ху мя ту́не.

Псалом 120

Пéснь степéней. Возведóх óчи мо́й в го́ры, отню́дуже приидет по́мощь моя́. По́мощь моя́ от Го́спода, сотво́ршаго не́бо и зéмлю. Не да́ждь во смятéние ногí твоея́, ниже́ воздрéмлет храня́й тя: се́, не воздрéмлет, ниже́ уснет храня́й Изра́иля. Госпо́дь сохранíт тя, Госпо́дь покрóв тво́й на ру́ку десну́ю твою́. Во дни со́лнце не ожжéт тебе́, ниже́ луна́

нощию. Господь сохранит тя от всякаго зла, сохранит душу твою Господь: Господь сохранит вхождение твоё и исхождение твоё, отныне и до века.

Псалом 121

Песнь степеней. Возвеселихся о рекших мне: в дом Господень пойдём. Стояще бяху ноги наша во дворах твоих, Иерусалиме. Иерусалим зиждемый яко град, емуже причастие его вкупе. Тамо бо въздоша колена, колена Господня, свидение Израилево, исповедатися имени Господню: яко тамо седоша престолы на суд, престолы в дому Давидове. Вопросите же яже о мире Иерусалима: и обилие любящим тя. Буди же мир в силе твоей, и обилие в столпостенях твоих. Ради братьий моих и ближних моих глаголах убо мир о тебе. Дому ради Господа Бога нашего зысках благая тебе.

Псалом 122

Песнь степеней. К Тебе возведох очи мой, Живущему на небесы. Се, яко очи раб в руку господий своих, яко очи рабыни в руку госпожи своея: тако очи наши ко Господу Богу нашему, дондеже ущедрит ны. Помилуй нас, Господи, помилуй нас, яко помногу исполнихомся уничижения: наипаче наполнися душа наша поношения гобзующих и уничижения гордых.

Псалом 123

Песнь степеней. Яко аще не Господь бы был в нас, да речет убо Израиль: яко аще не Господь бы был в нас, внегда востати человеком на ны, убо живых пожерли быша нас: внегда прогневатися ярости их на ны, убо вода потопила бы нас. Поток прейде душа наша: убо прейде душа наша воду непостоянную. Благословен Господь, иже не даде нас в ловитву зубом их. Душа наша яко птица избавися от сети ловящих: сеть сокрушися, и мы избавлени быхом. Помощь наша во имя Господа, сотворшаго небо и землю.

Чтец: Слава Отцу и Сыну и Святому Духу.

Лик: И ныне и присно, и во веки веков. Аминь.

Аллилуиа, аллилуиа, аллилуиа, слава Тебе Боже. *(Трижды)*

Лик: Господи, помилуй. *(Трижды)*

Лик: Слава Отцу и Сыну и Святому Духу.

Чтец: И ныне и присно, и во веки веков. Аминь.

Псалом 124

Песнь степеней. Надеющиеся на Господа, яко гора Сион: не подвижится в век живый во Иерусалиме. Горы окрест его, и Господь окрест людей Своих, отныне и до века. Яко не оставит Господь жезла грешных на жребий праведных, яко да не прострут праведнии в беззакония рук своих. Ублажи, Господи, благия и правыя сердцем. Уклоняющиеся же в возвращения отведет Господь с делающими беззаконие: мир на Израилья.

Псалом 125

Пѣснь степѣней. Внегда возвратити Господу плен Сионъ, быхом яко утѣшени. Тогда исполнишася радости уста наша, и язык наш веселия: тогда рекут во языцех: возвеличил есть Господь сотворити с ними. Возвеличил есть Господь сотворити с нами: быхом веселящеся. Возврати, Господи, пленение наше, яко потоки югом. Сѣющии слезами, радостию пожнут. Ходящии хождяху и плакахуся, метаяще семена своя: грядуще же приидут радостию, вземлюще рукояти своя.

Псалом 126

Пѣснь степѣней. Аще не Господь созиждет домъ, всуе трудитшася зиждущии: аще не Господь сохранит градъ, всуе бде стрегий. Всуе вам есть утревевати: востанете по седении ядущии хлеб болезни, егда даст возлюбленным Своим сон. Се, достояние Господне сынове, мзда плода чревяго. Яко стрелы в руке сильного, тако сынове отрясенных. Блажен, иже исполнит желание свое от них: не постыдятся, егда глаголют врагом своим во вратех.

Псалом 127

Пѣснь степѣней. Блажени вси боящиися Господа, ходящии в путех Его: труды плодов твоих снеси: блажен еси, и добро тебе будет. Женя твоя яко лоза плодovitа в странах дому твоего: сынове твой яко новосаждения масличная окрест трапезы твоея. Се, тако благословится человек бояйся Господа. Благословит тя Господь от Сиона, и узриши благая Иерусалима вся дни живота твоего, и узриши сыны сынов твоих: мир на Израиля.

Псалом 128

Пѣснь степѣней. Множицею бращася со мною от юности моея, да речет убо Израиль: множицею бращася со мною от юности моея, ибо не премогоша мя. На хребте моем делаша грешницы, продолжиша беззаконие свое. Господь праведен ссечѣ выя грешников. Да постыдятся и возвратятся вспять вси ненавидящии Сиона: да будут яко трава на здех, яже прежде восторжения изсше: еюже не исполни руки своея жнй, и недра своего рукояти собираяй: и не реша мимоходящии: благословение Господне на вы, благословихом вы во имя Господне.

Чтец: Слава Отцу и Сыну и Святому Духу.

Лик: И ныне и присно, и во веки веков. Аминь.

Аллилуиа, аллилуиа, аллилуиа, слава Тебе Боже. *(Трижды)*

Лик: Господи, помилуй. *(Трижды)*

Лик: Слава Отцу и Сыну и Святому Духу.

Чтец: И ныне и присно, и во веки веков. Аминь.

Псалом 129

Пѣснь степѣней. Из глубины воззвах к Тебе, Господи: Господи, услыши глас мой. Да будут уши Твой внимлюще гласу моления моего. Аще беззакония назириши, Господи,

Господи, кто постоит? Яко у Тебе очищение есть. Имене ради Твоего потерпех Тя, Господи, потерпел душа моя в слово Твое: уповая душа моя на Господа. От стражи утренния до нощи, от стражи утренния да уповает Израиль на Господа: яко у Господа милость, и многое у Него избавление: и Той избавит Израиля от всех беззаконий его.

Псалом 130

Песнь степеней. Господи, не вознесется сердце мое, ниже вознесостся очи мой: ниже ходих в великих, ниже в дивных паче мене. Аще не смиреномудрствовах, но вознесох душу мою, яко отдоеное на мать свою, тако воздаси на душу мою. Да уповает Израиль на Господа отныне и до века.

Псалом 131

Песнь степеней. Помяни, Господи, Давида и всю кротость его: яко клятса Господеву, обещаюся Богу Иаковлю: аще вниду в селение дому моего, или взыду на одр постели моея: аще дам сон очима мойма, и веждама мойма дремание, и покой скранияма мойма: дондеже обрящу место Господеву, селение Богу Иаковлю. Се, слышахом я во Евфрате, обретохом я в полях Дубравы: внидем в селения Его, поклонимся на место, идеже стояте нозе Его. Воскресни, Господи, в покой Твой, Ты и кивот святыни Твоея. Священницы Твой облечутся правдою, и преподобнии Твой возрадуются. Давида ради раба Твоего, не отврати лице помазаннаго Твоего. Клятса Господь Давиду истинною, и не отвержется ея: от плода чрева твоего посажду на престоле твоём. Аще сохранят сынове твой завет Мой и свидения Моя сия, имже научу я, и сынове их до века сядут на престоле твоём. Яко избра Господь Сиона, изволи и в жилище Себе. Сей покой Мой во век века, здешу вселюся, яко изволих и. Ловитву его благословляя благословлю, нищия его насыщу хлебы: священники его облечу во спасение, и преподобнии его радостию возрадуются. Там возвращу рог Давидову, уготовах светильник помазанному Моему. Враги его облечу студом, на нем же процветет святыня моя.

Псалом 132

Песнь степеней. Се, что добро, или что красно, но еже жити братии вкупе? Яко миро на главе, сходящее на брану, брану Аарону, сходящее на ометы одежды его: яко роса Аермонская сходящая на горы Сионския: яко тамо заповеда Господь благословение и живот до века.

Псалом 133

Песнь степеней. Се, ныне благословите Господа, вси раби Господни, стоящи в храме Господни, во дворех дому Бога нашего. В нощех воздежите руки ваша во святая и благословите Господа. Благословит тя Господь от Сиона, сотворивый небо и землю.

Чтец: Слава Отцу и Сыну и Святому Духу, и ныне и присно, и во веки веков. Аминь.

Аллилуиа, аллилуиа, аллилуиа, слава Тебе Боже. *(Трижды)*

Ектения малая

Диакон: Па́ки и па́ки, міром Го́споду помóлимся.

Лик: Го́споди, помíлуй.

Заступí, спасí, помíлуй и сохрани́ нас, Бо́же, Твоёю благода́тию.

Лик: Го́споди, помíлуй.

Пресвяту́ю, пречíстую, преблагословенну́ю, сла́вную Влады́чицу на́шу Богоро́дицу и Присноде́ву Мари́ю со всі́ми святы́ми помяну́вше, са́ми себе́ и друг дру́га, и весь живо́т наш Христу́ Бо́гу предади́м.

Лик: Тебе́, Го́споди.

Возглашение: Я́ко Твоя́ держа́ва, и Твое́ есть ца́рство, и си́ла, и сла́ва, Отца́ и Сы́на и Свята́го Ду́ха, ны́не, и прісно, и во ве́ки веко́в.

Лик: Ами́нь.

«Господи, воззвах»

Поются псалмы 140, 141, 129, 116 со стихирами на “Господи, воззвах”; в это время диакон совершает полное каждение храма

Первый лик: Го́споди, воззва́х к Тебе́, услы́ши мя. / Услы́ши мя, Го́споди.

Го́споди, воззва́х к Тебе́, услы́ши мя: / вонми́ гла́су молéния моего́, / внегда́ воззва́ти ми к Тебе́. / Услы́ши мя, Го́споди.

Второй лик: Да испра́вится моли́тва моя́, / я́ко кади́ло пред Тобо́ю, / воздея́ние руку́ моёю / – же́ртва вечерня́. / Услы́ши мя, Го́споди.

И по чину стихи: Положи́, Го́споди, хранéние усто́м мо́им, и дверь ограждéния о устна́х мо́их. Не уклони́ се́рдце моё́ в словеса́ лука́вствия, непщевáти вины́ о гресéх, с челове́ки де́лающими беззакóние, и не сочту́ся со избрáнными их. Накáжет мя пра́ведник ми́лостию и обличíт мя, елéй же грéшнаго да не нама́стит главы́ моея́, я́ко ещё́ и моли́тва моя́ во благоволеніих их. Поже́рты бы́ша при ка́мени судий их: услы́шатся глаго́ли мой, я́ко возмого́ша. Я́ко то́лща земли́ просéдеса на земли́, расточи́шася ко́сти их при áде. Я́ко к Тебе́, Го́споди, Го́споди, о́чи мой: на Тя упова́х, не отыми́ ду́шу мою́. Сохрани́ мя от се́ти, ю́же соста́виша ми, и от собла́зн де́лающих беззакóние. Паду́т во мре́жу свою́ грéшницы: еди́н есмь аз, до́ндеже прейдú.

Гла́сом мо́им ко Го́споду воззва́х, гла́сом мо́им ко Го́споду помолíхся. Пролию́ пред Ним мо́ление моё́, печáль мою́ пред Ним возвещú. Внегда́ исчезáти от мене́ ду́ху моему́: и Ты позна́л еси́ стези́ моя́: на пу́ти сем, по нему́же хождáх, скры́ша сеть мне. Смотря́х одесну́ю и взгля́дах, и не бе зна́яй мене́: погíбе бéгство от мене́, и несть взыска́яй ду́шу мою́. Воззва́х к Тебе́, Го́споди, рех: Ты еси́ упова́ние моё́, часть моя́ еси́ на земли́ живы́х. Вонми́ мо́лению моему́, я́ко смири́хся зело́, избáви мя от гоня́щих мя, я́ко укрепíшася па́че мене́.

На 10, стихиры: Изведи́ из темни́цы ду́шу мою́, / испове́датися і́мени Твоему́.

Стѹх: Менé ждѹт прáведницы / дóндеже воздáси Мне.

На 8, стѹх: Из глубины́ воззва́х к Тебé Гóсподи, / Гóсподи, услы́ши глас мой.

Стѹх: Да бѹдут ѹши Твой / внéмлюще глáсу молéния моего́.

На 6, стѹх: Áще беззакóния нáзриши, Гóсподи, Гóсподи, кто постоит? / Я́ко у Тебé очищéние есть.

Суббота 5-й седмицы по Пасхе на 3

Глас 1: На истóчник пришéл есѹ, истóчнице чудéс, в шестѹй чáс, Ёвин уловѹти плóд: Ёва бо в тóй изыде из рая прéлестию змѹевою. Приблѹжи бо ся самаряны́ня почерпстѹ вóду, ю́же видев речé Спáс: дáждь Мѹ вóду пѹти, и Áз воды́ теку́щия насы́щу тя. И во град тéкши целомѹдренная, наро́дом возвестѹ áбие: приидѹте видѹте Христá Гóспода, Спасѹтеля дѹш нáших.

Стѹх: Имене рáди Твоего́ потерпéх Тя, Гóсподи, потерпé душá моя в слóво Твое́, / уповá душá моя на Гóспода.

Глас 2: На студенéц я́ко прииде Госпóдь, самаряны́ня моля́ше Благоутрóбнаго: подáждь мѹ вóду вéры, и примѹ купéльныя воды́, рáдование и избавлéние, Животода́вче Гóсподи сла́ва Тебé.

На 4, стѹх: От стра́жи ѹтренния до но́щи, от стра́жи ѹтренния, / да упова́ет Изра́иль на Гóспода.

Глас 2: Собезначáльный и соприсносу́щный Сын и Сло́во О́тчее на истóчник прииде, истóчник исцелéний, и женá от Самарѹи прииде почерпстѹ вóду, ю́же видев речé Спáс: дáждь Мѹ вóду пѹти, и шéдши пригласѹ твоего́ мѹжа. Она́ же я́ко Человéку глаго́лющи, а не Бóгу, утайти тщáщися, глаго́лаше: не íмам мѹжа. И Учѹтель к нéй: íстину реклá есѹ, не íмам мѹжа: пя́ть бо имéла есѹ, и ны́не егóже íмаши, нéсть твой мѹж. Она́ же о глаго́ле удивѹвшись, и во град тéкше, наро́дом вопия́ше, глаго́лющи: приидѹте, видѹте Христá, Ѐже дáрует мѹрови вéлию мѹлость.

Стѹх: Я́ко у Гóспода мѹлость, и мно́гое у Него́ избавлéние, и Тóй избáвит Изра́иля от всéх беззакóний егó.

апп. от 70-ти Карпа и Алфéя на 3

Глас 1: Приятными сия́нии, ум Божéствен творя́,/ просветѹлся есѹ, всебогáте,/ и на прóповедь Христóву изшéл есѹ,/ и лю́ди научѹл есѹ чтѹти Его́,/ я́ко Человеколю́бца./ И ны́не молѹ даровáти душáм нáшим/ мир и вéлию мѹлость.

На 2, стѹх: Хвалѹте Гóспода всѹ язы́цы, похвалѹте Егó всѹ лю́дие.

Глас 1: Звездá пресвéтла я́влься Божéственными сия́нии,/ вселéнныя концы́ просвещáеши всегдá учéнии, блажéнне,/ и разгоня́еши благодáтию мрак недѹжный кому́ждо./ И ны́не молѹ даровáти душáм нáшим/ мир и вéлию мѹлость.

Стѹх: Я́ко утвердѹся мѹлость Егó на нáс, и íстина Госпóдня пребывáет во вéк.

Глас 1: Жёртву безкрóвну Бóгу жря совершённую, / за Того, мучениче, пожёрлся еси / и принёлся еси к разумней трапёзе, / жёртва благовонна, апóстолу Кáрге всебогáте. / И ныне моли даровáти душáм нáшим / мир и вéлию мíлость.

Слáва Отцú, и Сýну, и Свято́му Дúху.

Глас 6: При студенце Иáковли обрёт Иисýс самаряныню, прóсит воды от нея, облакáми покрывáяй зéмлю. О чудесе! Иже херувíмы носíмый, блуднице женé бесéдоваше, воды прося, Иже на водах зéмлю повесивый, воды иский, иже истóчники и езéра вóд изливáяй, хотя́ привлещи сию́ воистинну, уловля́емую от сопостáта врагá, и напоити ю́ водою живóю, палíмую в безмéстиих лúте, я́ко едiн Благоутрóбный и Человеколюбец.

И ныне, и прúсно, и во вéки векóв. Амiнь.

Богородичен, глас 4: Иже Тебé рáди Богоотец прорóк Давiд / пёсненно о Тебé провозгласi / величия Тебé Сотворшему, / предстá Царiца одесную Тебé, / Тя бо Мáтерь, Ходáтаицу Животá показá, / без отцá из Тебé вочеловéчится благоволивый Бог, / да Свой пáки обновiт óбраз, истлévший страстьми, / и заблúждшее горохiщное обрёт овчá, / на рáмо восприм, ко Отцú принесёт / и Своему́ хотéнию / с Небёсными совокупiт Сiла ми, / и спасёт, Богородице, мир / Христóс, имéяй вéлию и богáтую мíлость.

Вечерняя песнь Сыну Божию

Свёте Тiхий святiя слáвы, / Безсмёртнаго, Отцá Небёснаго, / Святаго Блажённаго, Иисýсе Христé. / Пришédше на зáпад солнца, / вiдевшe свет вечерний, / поём Отцá, Сýна и Святаго Дúха, Бóга. / Достóин еси́ во вся временá / пёт бiти глáсы преподóбными, / Сýне Бóжий, живóт дай, / тэмже мир Ты слáвит.

Диакон: Вóнмем.

Священник: Мир всем.

Лик: И дúхови твоему́.

Прокимен

В пяток вечера, глас 7:

Диакон: Премúдрость. Вóнмем. Прокимен, глас 7.

Бóже, застúпник мой еси́ Ты, / и мíлость Твоя́ предварiт мя.

Лик: Бóже, застúпник мой еси́ Ты, / и мíлость Твоя́ предварiт мя.

Диакон: Изми́ мя от враг моiх, Бóже, и от востаю́щих на мя избáви мя.

Лик: Бóже, застúпник мой еси́ Ты, / и мíлость Твоя́ предварiт мя.

Диакон: Бóже, застúпник мой еси́ Ты

Лик: И мíлость Твоя́ предварiт мя.

Молитва при наступлении вечера

Лик: Сподоби, Господи, в вечер сей без грехá сохранитися нам. / Благословен еси, Господи Бóже отец наших, / и хвально и прославлено имя Твое во веки, аминь. /

Буди, Господи, милость Твоя на нас, якоже уповахом на Тя. / Благословен еси, Господи, научи мя оправданием Твоим. / Благословен еси, Владыко, вразуми мя оправданием Твоим. / Благословен еси, Святыи, просвети мя оправдании Твоими. /

Господи, милость Твоя во век, дел руку Твоею не презри. / Тебе подобает хвала. Тебе подобает пение, / Тебе слава подобает, Отцу и Сыну и Святому Духу, / ныне и присно и во веки веков. Аминь.

Ектения просительная

Диакон: Исполним вечернюю молитву нашу Господеви.

Лик: Господи, помилуй.

Диакон: Заступи, спаси, помилуй и сохрани нас, Бóже, Твоею благодатью.

Лик: Господи, помилуй.

Диакон: Вечера всего совершенна, свята, мирна и безгрешна у Господа просим.

Лик: Подай, Господи.

Диакон: Ангела мирна, верна наставника, хранителя душ и телес наших у Господа просим.

Лик: Подай, Господи.

Диакон: Прощения и оставления грехов и прегрешений наших у Господа просим.

Лик: Подай, Господи.

Диакон: Добрых и полезных душам нашим, и мира миру у Господа просим.

Лик: Подай, Господи.

Диакон: Прочее время живота нашего в мире и покаянии скончати у Господа просим.

Лик: Подай, Господи.

Диакон: Христианския кончины живота нашего, безболезнены, непостыдны, мирны и добраго ответа на страшнем судищи Христове просим.

Лик: Подай, Господи.

Диакон: Пресвятую, пречистую, преблагословенную, славную Владычицу нашу Богородицу и Приснодеву Марию со всеми святыми помянувши, сами себе и друг друга, и весь живот наш Христу Бóгу предадим.

Лик: Тебе, Господи.

И священник возглашает: Яко благ и человеколюбец Бог еси, и Тебе славу возсылаем, Отцу, и Сыну, и Святому Духу, ныне и присно, и во веки веков.

Лик: Аминь.

Священник: Мír всем.

Лик: И дúхови твоемú.

Диакон: Главý наша Гóсподеви приклóним.

Лик: Тебé, Гóсподи.

И возглашает священник: Бúди держáва Цáрствия Твоегó благословéна и препрослáвлена, Отцá, и Сýна, и Святáго Дúха, ныне и прýсно, и во вéки векóв.

Лик: Амíнь.

Стихиры на стиховне

Суббота 5-й седмицы по Пасхе на 4

Глас 4: Животворящему Твоему Кресту непрестáнно клáняющесе Христé Бóже, триднёвное Воскресéние Твоé слáвим: тэм бо обновíl есí истлévшее человекéское естество Всесýльне, и иже на небесá восхóд обновíl есí нáм, яко едýн Блáг и Человеколюбец.

Стих: Господь воцарýся, в лéпоту облечéся.

Глас 4: Дрэва преслушáния запрещéние разрешíl есí Спáсе, на Дрэве крестнем волею пригвоздýвся, и во áд сошéd Сýльне, смёртныя úзы яко Бóг растерзál есí. Тэмже клáняемсе éже из мёртвых Твоему Воскресéнию, рáдостью вопиýще: всесýльне Гóсподи, слáва Тебé.

Стих: Ибо утвердý вселéнную, яже не подвижится.

Глас 4: Вратá áдова сокрушил есí Гóсподи, и Твоею смёртию смёртное цáрство разрушил есí, рóд же человекéский от тлéния свободíl есí, живóт и нетлéние мýру даровáв, и вéлию мýлость.

Стих: Дóму Твоему подобáет святыня, Господи, в долготу дний.

Глас 4: Гóсподи возшéd на Крест, прáдедную нáшу клятву потребíl есí, и сошéd во áд, яже от вéка úзники свободíl есí, нетлéние дáруя человекéскому рóду. сегó рáди поýще слáвим, животворящее и спасítельное Твоé востáние.

Слáва Отцú, и Сýну, и Святóму Дúху, и ныне, и прýсно, и во вéки векóв. Амíнь.

Глас 8: Егдá явился есí во плóти Христé Бóже, за неизречéнное смóтрéние, слýшавши самаряныня слóво Тебé Человеколюбца, остáви почерпáло у студенцá, и течé глагóлющи сýщым во грáде: приидíte, видите Сердцевéдца, едá Сéй ёсть чáемый Христóс, имéяй вéлию мýлость?

Молитва святого Симеона Богоприимца

Нýне отпуцáеши рабá Твоегó, Владýко, / по глагóлу Твоему с мýром: / яко видеста óчи мой спасéние Твоé, / ёже есí уготóвал пред лицéм всех людéй, / свет во откровéние язýков, / и слáву людéй Твоих Израíля.

Святѣй Бѣже, Святѣй Крѣпкій, Святѣй Безсмѣртный, помѣлуй нас *(трижды)*.

Слава Отцѹ и Сыну и Святѣму Дѹху, и ныне и прѣсно и во вѣки векѣв. Амѣнь.

Пресвятая Трѣице, помѣлуй нас; Господи, очисти грехи наша; Владыко, прости беззакония наша; Святѣй, посети и исцели немощи наша, имене Твоего ради.

Господи, помѣлуй *(трижды)*.

Слава Отцѹ и Сыну и Святѣму Дѹху, и ныне и прѣсно и во вѣки векѣв. Амѣнь.

Отче наш, Иже еси на Небесех! Да святится имя Твое, да придет Царствие Твое, да будет воля Твоя, яко на Небеси, и на земли. Хлеб наш насущный даждь нам днесь; и остави нам долги наша, якоже имы оставляем должником нашим; и не введи нас во искушение, но избави нас от лукаваго.

Священник: Яко Твое есть Царство, и сила, и слава, Отца, и Сына, и Святаго Духа, ныне и прѣсно, и во вѣки векѣв.

Лик: Амѣнь.

Тропари

Глас 4: Светлую воскресения проповедь / от Ангела уведевша Господни ученицы / и прадеднее осуждение отвергша, / апостолом хвалящаяся глаголаху: / испровержесе смерть, / воскресе Христос Бог, / даруяй миру велию милость.

Слава Отцѹ, и Сыну, и Святѣму Дѹху.

Тропарь апп. от 70-ти Карпа и Алфея

Глас 3: Апостоле святѣй Карпе, / моли Милостиваго Бога, / да прегрешений оставление / подаст душам нашим.

И ныне, и прѣсно, и во вѣки векѣв. Амѣнь.

Богородичен, глас 4: Еже от века утаенное / и Ангелом несведомое таинство, / Тобю, Богородице, сущим на земли явися Бог, / в неслитном соединении воплощаем, / и, Крест волею нас ради восприим, / иже воскресив первозданнаго, / спасе от смерти души наша.

Сугубая ектения

Диакон: Помѣлуй нас, Бѣже, по велицей милости Твоей, молим Ти ся, услыши и помѣлуй.

Лик: Господи, помѣлуй. *(Трижды)*

Диакон: Еще молимся о Великом Господине и Отце нашем Святѣйшем Патриархе Кирилле, и о господине нашем высокопреосвященнейшем митрополите Евгении, и всей во Христе братии нашей.

Лик: Господи, помѣлуй. *(Трижды)*

Диакон: Ещё молимся о Богохранимей стране нашей, властех и воинстве ея, да тихое и безмолвное житие поживем во всяком благочестии и чистоте.

Лик: Господи, помилуй. *(Трижды)*

Диакон: Ещё молимся о блаженных и приснопамятных создателях святого храма сего, и о всех преждепочивших отцах и братьях, zde лежащих и повсюду, православных.

Лик: Господи, помилуй. *(Трижды)*

Диакон: Ещё молимся о милости, жизни, мире, здравии, спасении, посещении, прощении и оставлении грехов рабов Божиих, братии святого храма сего.

Лик: Господи, помилуй. *(Трижды)*

Диакон: Ещё молимся о плодоносящих и добродельных во святом и всечестном храме сем, труждающихся, поющих и предстоящих людех, ожидающих от Тебе великия и богатыя милости.

Лик: Господи, помилуй. *(Трижды)*

Священник: Яко Милостив и Человеколюбец Бог еси, и Тебе славу возсылаем, Отцу и Сыну и Святому Духу, ныне и присно и во веки веков.

Лик: Аминь.

Диакон: Премудрость.

Лик: Благослови.

Священник: Сый благословен Христос Бог наш, всегда, ныне и присно и во веки веков.

Лик: Аминь.

Лик: Утверди, Боже, / святую православную веру, православных христиан / во век века.

Священник: Пресвятая Богородице, спаси нас.

Лик: Честнейшую Херувим и славнейшую без сравнения Серафим, без исления Бога Слова рождшую, сущую Богородицу Тя величаем.

Священник: Слава Тебе, Христе Боже, упование наше, слава Тебе.

Лик: *Слава Отцу и Сыну и Святому Духу, и ныне и присно и во веки веков. Аминь.*

Господи, помилуй *(трижды)*.

Благослови.

Священник стоя у Царских врат, обращается на запад к народу и произносит отпуст.

Отпуст

Воскресый из мертвых Христос Истинный Бог наш, молитвами Пречистой Своей Матере, святых славных и всехвальных Апостол, святых славных и добропобедных мучеников, преподобных и богоносных отец наших, *(и святого, имярек, егже есть*

храм), апп. от 70-ти Карпа и Алфея, святых праведных Богоотец Иоакима и Анны, и всех святых, помилует и спасет нас, яко Благ и Человеколюбец.

Многолетие

Лик: Великаго господина и отца нашего Кирилла, / Святэйшаго Патриарха Московскаго и всея Руси, и господина нашего высокопреосвященнейшего Евгения, митрополита, / богохранимую страну нашу Российскую, / настоятеля, братию и прихожан святаго храма сего, / и вся православныя христианы, / Господи, сохрани их на многая лета.